

სრულიად საქართველოს კათოლიკოს-პატრიარქის მილოცვა იერუსალიმისა და სრულიად პალესტინის პატრიარქს



მის უნეტარესობას, თეოფილე III-ს
წმიდისა ქალაქისა იერუსალიმისა და
სრულიად პალესტინის პატრიარქს

თქვენო უნეტარესობავ,

საქართველოს მართლმადიდებელი ეკლესიისა და პირადად ჩემი სახელით კიდევ
ერთხელ გილოცავთ ინტრონიზაციის საიუბილეო თარიღს!

უკვე ოცი წელია თქვენ, სირთულეებით სავსე ჩვენს დროში, როგორც პირველიერარქი,
ერთგულად ემსახურებით იერუსალიმის ყველასგან გამორჩეულ ეკლესიას და დიდი
პატივისცემით სარგებლობთ მთელს მართლმადიდებლურ სამყაროში.

საქართველოს ეკლესიას ყოველთვის ჰქონდა და აქვს დიდი სიყვარული და მოწინება
წმინდა მიწისადმი და აქ მოღვაწე სასულიერო პირთადმი, მითუმეტეს,
პირველიერარქებისადმი. ნიშნად თქვენდამი ჩვენი პატივისცემისა, თქვენი საიუბილეო
თარიღის მოსალოცად და თანამსახურებისათვის ვაგზავნით ჩვენი ეკლესიის
წარმომადგენლებს.

ვიმედოვნებთ, ურთიერთობები ჩვენს ეკლესიებს შორის შემდგომშიც განმტკიცდება და
ახალ საფეხურზე ავა.

თქვენო უნეტარესობავ, გულითადად გისურვებთ მრავალჟამიერ სიცოცხლესა და ჴემდგომ წარმატებებს თქვენს საპატიო მსახურებაში თქვენი სამწყსოსასა და მსოფლიო მართლმადიდებლობის საკეთილდღეოდ.

ქრისტესმიერი ძმური სიყვარულით,

ილია II, სრულიად საქართველოს კათოლიკოს-პატრიარქი, მთავარეპისკოპოსი მცხეთა-თბილისისა და მიტროპოლიტი ბიჭვინთისა და ცხუმ-აფხაზეთისა

თბილისი, 2025 წ.



sazu.ge